

五
浙
戰
史




江浙戰史 第四冊目錄

戰事之寫真

- (1) 黃渡
- (2) 瀏河
- (3) 嘉定
- (4) 青浦
- (5) 南翔
- (6) 松江

戰事之結束

- (1) 各路聯軍之退滬
- (2) 徐樹錚之謀變化與聯軍在麥根路之佈防



206773


- (3) 徐樹錚等之拘入捕房
- (4) 聯軍方面主張再戰者之下場
- (5) 蘇閩軍與聯軍議決收束辦法
- (6) 聯軍第十師軍隊之結束
- (7) 聯軍第四師軍隊之結束
- (8) 聯軍第六混成旅軍隊之結束
- (9) 聯軍臧楊部下軍隊之結束
- (10) 聯軍別動隊之結束
- (11) 聯軍游擊隊之結束
- (12) 聯軍將校義勇團及北伐軍等之結束
- (13) 閩浙巡閱使署參謀處結束戰事之通告
- (14) 蘇皖贛巡閱使齊燮元對於戰事結束後之佈告




錚 樹 徐




昭 化 楊




帳 營 軍 閩




隊 炮 軍 聯



敵拒之隊槍排與隊炮子盒軍蘇



攻進之隊炮子盒與隊槍排軍蘇



隊 槍 關 機 軍 聯

MG
K261.52
4



3 2285 1761 5

江浙戰史第四冊

(一)黃渡(續前)

九。月。十。九。日。蘇。軍。得。浙。局。變。化。後。即。作。乘。勢。攻。擊。計。于。上。午。三。時。下。總。攻。擊。令。由。豫。軍。衝。鋒。向。聯。軍。猛。攻。聯。軍。方。面。亦。早。有。預。備。由。杭。運。滬。之。第。四。師。生。力。軍。調。赴。前。綫。作。戰。雙。方。激。戰。甚。烈。蘇。軍。復。利。用。飛。機。向。聯。軍。方。面。散。發。傳。單。謂。願。投。蘇。軍。者。各。犒。洋。二。十。元。聯。軍。閱。此。項。傳。單。外。仍。向。前。猛。攻。直。撲。蘇。軍。陣。綫。蘇。軍。紛。紛。後。退。掩。護。蘇。軍。後。陣。之。砲。隊。見。前。方。將。不。支。遂。連。開。五。砲。聯。軍。傷。數。十。人。乃。停。止。追。擊。改。以。巨。砲。還。擊。蘇。軍。又。復。猛。力。反。攻。至。十。一。時。兩。次。衝。至。二。十。三。號。橋。梁。幾。占。黃。渡。浙。軍。以。機。關。槍。大。砲。轟。蘇。軍。衝。鋒。隊。之。入。東。市。梢。者。死。傷。相。繼。復。退。出。十。二。時。黃。渡。車。站。落。下。開。花。彈。四。個。一。彈。擊。中。鐵。篷。車。上。死。浙。兵。三。人。車。稍。毀。一。彈。擊。中。站。旁。玻。璃。窗。上。有。分。路。夫。背。部。

受傷。下午雙方仍激戰。砲聲隆隆。聲聞滬上。至晚蘇軍始退去。

二十日晨六時許黃渡方面蘇軍復用大砲猛攻聯軍極力抵禦蘇軍發砲至二百餘響至十時聯軍方面調到陳樂山所部軍隊二千餘名援助用機關鎗隊衝鋒蘇軍退至原線。

二十一日上午蘇浙二軍各守陣線無甚變化日間槍砲之聲甚稀至下午五時半槍聲又起惟仍各取守勢用機關槍攻擊未分勝負至夜十二時後雙方均用大砲攻擊滬上亦聞砲聲。

二十二日晨砲聲尙未息八時蘇軍藉大砲掩護復向前衝鋒與聯軍短兵相接者移時復退回而作戰仍不輟大砲忽稀忽密陣線時進時退自晨一時起至夜十二時止兩軍仍對峙於站西外揚旗之西無甚勝負。

又是日傳上午有蘇軍某團長至黃渡站求見聯軍司令據稱某係山東陸軍第一旅潘鴻鈞部魯軍舊隸兗州鎮守使何鋒鈺部下現歸靳雲鵬所率。

吾等以齊督宗旨不合且與何使舊交故特來歸誠惟願繳械請爲收撫云云司令部卽以電話報告盧總司令午後何鋒鈺特來接洽定於卽晚收撫詎料八時許約有一營人除去號衣槍械尙持在手中前來點卯正在接洽之際該降兵突然開槍攻擊聯軍見勢不佳遂卽對敵而死傷已二十餘人詐降者知不得逞旋卽退去

又同日上午八時許黃渡站有蘇飛機兩架飛入沿路線一帶拋擲炸彈有一彈擊中黃渡站傍步兵一人未幾卽斃夜間復有流彈擊中黃渡站長李春榮無大礙

二十三日兩軍仍繼續激戰上午八時蘇軍猛進俘獲浙軍兵士二十餘人連長一人至下午二時浙軍伴退遺棄機關槍大砲甚多蘇軍追擊被左右兩翼浙軍截擊死傷百餘人蘇軍退回原防四時有二浙軍徒手至蘇防線蘇軍正在盤問二人遽乘不備搶一機關槍而逃被蘇軍追獲槍斃

二十四日上午兩軍僅有小接觸。聯軍傷三人。晚九時許黃渡鎮西北方蘇軍復向聯軍陣地猛攻。槍砲聲徹夜不息。

二十五日拂曉蘇軍攻勢益猛。共放二十餘砲。因二軍防線相距三百密達。蘇軍有一砲擊中聯軍陣線。拔去大樹一枝。流彈傷及兵士六人。經聯軍力禦。蘇軍仍退去。至晚八時後蘇軍五百餘人復向聯軍陣地猛攻。以兩軍距離甚近。互以排槍射擊。各有死傷。戰至次晨二時許始暫止。

二十六日上午前線僅有小戰。下午六時起間放大砲。時作時息。雙方防線仍無變動。

二十七日上午兩軍前線略有小戰。下午四時聯軍方面忽下令反攻。蘇軍以連日取攻勢不甚得手。方擬休養數日。以蘇兵力乃聯軍出不意。以猛力反攻。應戰兩小時不支。敗退。聯軍奪獲蘇軍第一道戰壕。獲子彈鎗枝甚多。蘇軍退守陸家行。

二十八日。聯軍方面傳聞蘇軍已于二十七日。下午二時。令二十八日。施行總攻擊。因此前敵各司令會議。取先發制人之舉。于下午二時。以何豐林部第六混成旅。數營之衆。衝鋒前進。蘇軍以兩團之衆。抵禦雙方。逼近時。聯軍以大砲掩護。蘇軍大半伏於壕溝。以機關槍盒子砲。還擊。鏖戰四小時。雙方死傷不少。聯軍第六混成旅。王團長陣亡。旋於八時。後停戰。陣線未有變化。至夜十時。許安亭方面。蘇軍復以武裝火車。龍頭置有大砲。突向聯軍陣線。衝進。並開大砲轟擊。聯軍瞭見。亦開砲還擊。龍頭遂不克。再進。聯軍第四師十四團。奮勇上前。抵禦蘇軍。另以步兵分左右翼。包抄聯軍後路。險遭包圍。後由生力軍衝上。接援。始克維持陣線。十二時。蘇軍復退去。聯軍死傷百餘人。

按王團長名保安。所統之兵。係陸軍第六混成旅步兵第二團。開戰之初。奉聯軍總司令督帶原駐高昌廟兵工廠內所部一二三各營。開赴嘉翔等處戰鬥。是日之戰。初時擊退蘇軍。有五里之遙。嗣因兵力不支。子彈

不及濟急漸退至防線之後暫待後援詎蘇軍反攻甚烈時王團長復督所部官兵奮勇禦敵惟出陣並未改裝仍穿團長制服致被蘇軍窺見彈中腹部越時殞命子彈入腹後瘡口爲血凝結因此滿身毫無血污二十九日在滬城老西門附近之公館內成殮各軍官之往祭者頗爲熱鬧軍約有數千人由中路猛力進攻以黃渡車站爲目標聯軍方面亦竭力抵禦一時槍彈如雨勢甚猛烈至十時餘聯軍以子彈缺乏遂後退蘇軍乘勢攻擊益爲急迫至十時半蘇軍衝鋒隊已渡過二十四號洋橋抵火車站東外揚旗距車站祇數百步斯時聯軍司令臧致平陳樂山等在車站目睹危狀焦急萬分幸第四師砲隊在車站架有大砲數尊卽下令連續射擊共放數十砲始將蘇軍擊退未幾子彈車始運到臧司令以押送者輸運太遲前線幾爲所誤遂卽發交司令部懲辦是役兩軍死傷千餘人聯軍並陣亡團

附一人下級軍官數十人

三十日下午八時許蘇軍大隊復向聯軍猛攻聯軍竭力抵禦蘇軍以機關槍爲前陣而聯軍前陣衝鋒隊則均以刺刀與蘇軍血肉相搏於離黃渡車站五六里地方時進時退至天明未息

十月一日晨兩軍激戰距離益近彼此面目均可遙遙相望以均係北方人間有舊相識者乃各退里許至十時槍砲聲全止

二日晨兩軍稍有接觸不甚猛烈蓋雙方激戰已三日夜藉以休養兵力聯軍仍堅守黃渡車站蘇軍前陣則在沿鐵路外揚旗三四里地方

三日晨兩軍復開戰仍相持於距車站三四里地方前敵各武裝守備有時蘇軍放排槍一次聯軍亦開放數鎗以應之故前線槍聲時聞時輟陣線無甚進退

四日上午小有戰事前敵兵士均伏於戰壕內如頭部露出爲對方所見卽有

槍彈飛來故戰線鎗聲綿綿不絕下午五時方泰蘇軍向浙軍右翼猛攻至十時半戰事最烈兩軍離黃渡站北甚近互相肉搏至十二時後蘇軍仍退回方泰聯軍死傷百餘人

五日上午蘇軍復由方泰側攻黃渡鑿戰頗烈在九十時間黃渡站已有流彈飛來并有一開花彈落在站旁傷兵士數人午後戰事漸見疏懈三時許全行停止

六日晨一時許兩軍繼續開戰二時至三時間最烈聯軍於半小時內疊放大小砲二十餘響之多其最大之砲彈爲六寸口徑長尺許每彈代價需銀二十四兩機關槍聲亦接續不輟直至四時停戰雙方陣線仍無甚進展下午五時半蘇軍復選衝鋒隊二百餘人忽然進攻用炸彈機關槍轟擊聯軍用大砲轟擊十四次蘇軍還砲一次卽退雙方各死傷數十人

七日上午小有戰事不甚猛烈午後卽止緣蘇軍疊次猛攻均未得手故變

計。劃。在。松。江。方。面。着。力。對。於。黃。渡。方。面。暫。取。守。勢。也。

八。日。晨。一。時。許。黃。渡。西。蘇。軍。發。砲。數。響。聯。軍。以。排。槍。應。之。復。開。戰。至。拂。曉。停。歇。

日。間。無。戰。事。

九。日。晨。蘇。軍。以。少。數。軍。隊。向。聯。軍。方。面。攻。擊。聯。軍。即。開。鎗。抵。抗。雙。方。激。戰。於。第。二。十。四。號。橋。附。近。即。黃。渡。站。外。揚。旗。三。四。里。地。方。隔。一。小。浜。而。陣。其。浜。水。深。丈。餘。各。以。機。關。鎗。守。兩。岸。彼。此。均。不。敢。先。渡。此。溝。兩。軍。前。敵。距。離。祇。有。數。十。步。相。持。至。上。午。七。時。許。始。停。戰。聯。軍。傷。六。七。人。

十。日。兩。軍。仍。隔。河。有。小。戰。陣。線。無。變。動。

十。一。日。日。間。無。戰。事。入。晚。僅。有。小。戰。至。九。時。許。即。止。

十。二。日。兩。軍。戰。于。黃。渡。鐵。路。之。北。入。晚。尤。烈。至。九。時。後。黃。渡。鎭。忽。然。失。火。延。燒。至。次。晨。始。熄。

十。三。日。晨。聯。軍。總。司。令。盧。永。祥。氏。通。電。下。野。結。束。戰。事。先。是。聯。軍。失。松。江。後。十。

二日復相繼失守。新橋、青浦、嘉定、盧氏，乃于是夜一時召集臧致平、楊化昭、陳樂山、朱聲、廣夏、兆麟等各司令及軍署參謀長、祕書長等重要人物開一緊急會議。先由盧氏述及閩軍已將新橋佔據，軍情十分危急。究竟如何辦法，請詳爲討論。言畢，陳樂山起謂：「此次聯軍仗義興師，固甚正當，但目今子彈缺乏，糧餉不足，且將士苦戰累月，恐難久持。目今既處於四面楚歌中，不如請盧公顧全地方大局，急流勇退，即日下野，以保留將士元氣。亦卽以保留盧公令名云云。」述畢，列席諸人無不愕然。臧、楊等起而辯論，謂今尙有兵三萬可用，一旦放棄，殊屬大愚。卒以第四師不願加入作戰，實力已去，無可挽回。盧子嘉亦以餉械告缺，與其坐守絕境，不如放棄松滬，另圖發展。遂擬發通電表示解除兵柄，放棄松滬，所有龍華軍隊由上海防守司令暫維現狀。斯時何豐林尙在莘莊方面督戰，聞訊後急返龍華，與盧子嘉面商機密結果。何氏亦以大勢已去，遂與盧氏取同一態度。于十三日晨，盧何及臧氏

乘上海丸東渡。是時安亭方面蘇軍尙不知龍華方面突生變化也。故于午後一時許向聯軍尙猛攻不已。至三時許聯軍前線得悉南翔聯軍司令部他遷知軍事已發生重大變化。遂一面吹停戰號。一面懸白旗。當懸白旗時蘇軍尙疑聯軍有詐。仍開大砲。十餘響砲彈落下。時擊燬軍車一輛。傷兵士十餘人。聯軍未曾還擊。均鵠立於戰壕中。亦不放鎗。蘇軍至此始明悉真相。乃派人至黃渡。聯軍司令部磋商停戰。退兵條件。十四日黃渡聯軍退回真茹。及上海閘北一帶。于是此一路之戰事遂完全停止。

(2) 瀏河 (續前)

九月十九日蘇聯兩軍繼續作戰。至上午六時許蘇軍前綫軍士均以極猛烈炸彈向對岸浙軍拋擲。浙軍方面之機關鎗團即上前遙擊。攻拒均非常猛烈。耗費子彈無算。十時後勢略衰。至晚九時許蘇軍以大砲掩護衝至對岸。

爲聯軍機關槍盒子砲所轟回仍隔河互攻不輟

二十日晨兩軍仍酣戰至九時許稍停雙方陣地仍無變動午後又開戰並不十分猛烈至晚十時始休戰

是日晨蘇軍有飛機一架在浙軍陣地擲下炸彈數枚因離防線甚近炸傷聯軍第六混成旅排長劉樹德兵士數人

二十一日下午二時兩軍仍在河之兩岸重行開戰激戰至晚十一時許聯軍不支退至霜草墩該處距離瀏河約六里後由陳樂山部前往援復將蘇軍擊退重據瀏河蘇軍仍猛攻不已至次晨三時許各得生力軍之援助砲火更爲猛烈蘇軍中喊聲震天大呼要捉活的聯軍子彈將罄伏於壕溝之內不動聲色蘇軍奮勇衝鋒聯軍待其衝入火線始開槍還擊蘇軍前仆後繼殆無退志兩軍接近時互用刺刀猛刺肉搏兩小時始行收兵息戰而防線仍無大變動

二十二日晨羅店開到聯軍二千瀏河聯軍遂改取攻勢向蘇軍壓迫蘇軍向陸渡朱家行略退上午無大戰兩軍惟以排槍相射擊至午後一時卽息是日上午八時餘滬北江灣燕毛灣一帶有蘇軍飛機一架在空中翱翔並散發傳單多紙內容略謂浙局已發生變化勸聯軍速歸附蘇軍等語鄉人拾得此項傳單者甚多該飛機於十時左右向龍華方面飛去

二十三日拂曉蘇軍復由佑顯山進攻寧海軍陸戰隊亦從蒲涇登陸助戰雙方戰甚烈八時戰稍止十時以後砲火復猛直至下午四時二十五分許始漸休止聯軍砲兵劉營長陣亡

二十四日下午七時許蘇軍進攻浙軍固守抵禦同時婁塘蘇軍亦派大隊圖襲取羅店均爲聯軍擊退至十時停戰

二十五日上午九時許瀏河兩軍又繼續開戰其勢較前數日爲猛烈激戰地點仍在北弄木行弄左近蘇軍由淡齋廟方面進攻聯軍竭力抵禦兩軍激

戰時均用步鎗互射大砲。雖偶開數響，因距離過近，已失效用。至下午八時，後雙方雖死傷不少，仍一無發展，遂停戰。

是日聯軍獲蘇軍間諜一人，其人係老嫗，日受餉銀三元，在瀏河羅店一帶刺探聯軍軍情，及被執審訊。嫗自云係在田間尋覓小孩，餘無他語。身上尚繫有捉棉花袋一隻，檢其袋中，則有南京及無錫各銀行之鈔票一大捲云。

二十六日晨八時，蘇軍欲縮短陣線，稍向後退。聯軍即乘勢移進防線。二華里蘇軍怒欲仍擊退聯軍，遽猛力進攻。雙方用大砲機關槍激鬪，蘇軍流彈飛至浙軍之司令部，相近適有運送子彈汽車四輛，停在該地。汽車夫見彈飛過，心慌意亂，致二汽車相撞，各有損傷。汽車夫受傷，頭部上午十一時略停戰。至下午七時二十分，槍聲大作，轟擊更猛，徹夜不息。

二十七日拂曉，兩軍爭持于離關帝廟三里許之某地。蘇軍用盒子砲猛轟聯軍，則放排鎗鏖戰。至下午八時許，始止。雙方死傷均不多。

二十八日上午蘇軍忽自退十餘里聯軍疑有詐未敢追擊至夜間蘇軍復增軍進據原防

二十九日兩軍以黃渡嘉定各方面均有劇戰亦于拂曉各下攻擊令戰于西
北市梢一帶用大砲機關槍轟擊惟均未用衝鋒隊進攻故相持至下午陣
線無大變化雙方死傷各二十餘人聯軍有送子彈之汽車夫在瀏河司令
部邊被蘇軍之流彈擊去右耳

三十日兩軍各在取守勢上午無戰事午後略有接觸但不甚猛烈因蘇軍在
瀏河作戰計劃擬俟黃渡方泰嘉定各方面勝利後再致力於瀏河故瀏河
此後遂無猛烈之戰事

十月一日晨一時許二軍又在西北市梢接觸甯江軍發砲十數響助戰互有
死傷至上午十一時汽車路西戰事又起但並不激烈

二日上午無戰事下午七時半雙方均用機關槍來福槍激戰至十一時二十

分○鐘○蘇○軍○用○大○砲○轟○擊○六○砲○聯○軍○亦○還○擊○四○砲○雙○方○均○無○甚○損○失○

三○日○晨○雙○方○在○西○北○市○梢○一○里○許○小○有○接○觸○數○十○分○鐘○即○停○止○下○午○無○戰○事○

四○日○聯○軍○仍○扼○守○瀏○河○西○北○市○梢○一○帶○蘇○軍○亦○按○兵○不○動○

五○日○上○午○兩○軍○前○敵○又○開○戰○於○西○北○市○梢○一○带○均○用○步○鎗○互○相○射○擊○間○放○一○二○

大○砲○雙○方○略○有○傷○亡○至○下○午○停○戰○

六○日○無○戰○事○蘇○軍○陣○線○仍○在○淡○齋○廟○石○守○橋○一○带○聯○軍○則○扼○守○西○北○市○梢○

七○日○晨○一○時○兩○軍○復○互○轟○其○勢○頗○烈○蘇○軍○曾○三○次○衝○鋒○冀○攻○過○瀏○河○均○經○浙○軍○

擊○退○鎗○砲○聲○徹○夜○不○絕○至○次○晨○始○停○戰○

八○日○上○午○兩○軍○各○守○原○有○防○線○無○甚○戰○事○至○下○午○三○時○蘇○軍○有○大○隊○向○聯○軍○方○

面○進○攻○並○有○機○關○槍○多○架○向○瀏○河○鎮○中○猛○射○聯○軍○亦○竭○力○抵○禦○彼○此○激○戰○於○

關○帝○廟○一○带○至○五○時○餘○稍○停○未○分○勝○負○

九○日○拂○曉○兩○軍○在○石○家○蕩○接○觸○約○三○小○時○之○久○始○息○聯○軍○陣○線○略○後○退○晚○間○蘇○

方開鎗示威浙軍堅守勢蘇軍亦不前進故未幾即止

十日上午十二時後蘇軍兵艦在瀏河海面突然向瀏河浙軍陣地開放大砲數響待浙軍開砲還擊船已遠去傷浙軍四名本地居戶婦女一名小孩二名兩軍入夜在顯佑山附近復有小戰

十一日兩軍堅守原防無戰事惟前哨稍有接觸聯軍有一兵士爲流彈所擊傷

十二日夜蘇軍向浙軍防線衝鋒前進聯軍奮力抵禦終夜砲火不絕

十三日晨聯軍前線得悉龍華方面盧何出走訊不敢戀戰退出瀏河蘇軍乘勢追擊聯軍死傷甚夥及蘇軍追至羅店亦得龍華消息始停戰

十四日蘇軍朱熙部自嘉定會合瀏河蘇軍夾攻羅店聯軍聯軍被包圍者數日乃悉數向蘇投降

(3) 嘉定 (續前)

九月十九日拂曉駐嘉定西門外之蘇軍一支隊乘聯軍不備潛由小路抄至石岡見有聯軍小輪運載彈餉由翔赴嘉遽用砲轟擊沉沒旋分作兩路各一千人一路向南進行往攻南翔聯軍亦由上海黃渡調來大隊在鶴頸灣迎敵一路望北出發逕攻南門雙方捨命猛擊砲火之烈聲聞滬上至上午十一時嘉定方面蘇軍復抽調軍士一千餘人向馬陸進攻由駐在馬陸之浙軍三百餘人應戰衆寡不敵下午三時馬陸遂爲蘇軍所佔南翔浙軍得耗乃調臧部軍士前往援救雙方互用大砲機關砲猛攻徹夜未絕是日上午八時許有聯軍飛機兩架駕駛過翔在蘇軍陣線拋擲炸彈三枚均落附近田間未爆發

二十日晨雙方仍激戰未止至八時砲火略稀在馬陸方面一路之蘇軍退守馬陸浙軍守聖僧塘橋（離南翔六里）及鶴槎山至上午十一時聯軍復死力攻馬陸誓恢復南翔嘉定間之交通蘇軍接戰二時許退出馬陸扼守

鹽鐵塘傷團附一人死排長二人其攻南翔南門一路之蘇軍上午八時後戰亦甚劇巨砲續續而發其彈悉落於金沙塔之四周此項砲彈係榴霰彈開花然後落地故損失房屋尙少至午刻聞馬陸方面之蘇軍已退守鹽鐵塘旋亦退至石岡門

二十一日上午蘇軍復由石岡門等處進攻嘉城除東門外其餘三門均有戰事但均在城外二三里蘇軍圍嘉定者共有兵士十數營聯軍則固守嘉定城池亦有兵士八營左右下午雙方激戰益烈槍彈如雨血肉相搏蘇軍放大砲數十響聯軍亦以過山砲轟之數小時後蘇軍忽退聯軍追擊三五里並俘蘇軍排長兩人正目三人兵士九人獲手槍兩枝步槍十餘枝聯軍亦陣亡排長一人兵士數人傷二十餘人

二十二日午刻蘇軍援軍開至雙方又開始作戰先用機關槍轟擊繼之以開花砲浙軍亦以砲還擊至下午三時仍無勝負

按嘉定方面之戰事蘇軍大本營在陸渡橋該鎮半屬嘉定半屬太倉適介嘉太兩縣之間距安亭六里嘉定十八里瀏河十二里爲軍事扼要地之一蘇軍攻嘉定之軍隊大半係陸渡橋開來其布防形勢東自瀏河口起西向婁塘外岡方泰南折而至黃渡對於嘉定適作月彎式之包圍

二十三日兩軍均增防無戰事

上午九時許蘇軍自太倉駛來飛機一架擲下二十四磅炸彈二枚落城內楊家宅某姓竹園內炸去竹林半畝旋向瀏河方面飛去

二十四日上午聯軍方面開到陳樂山之第四師二千餘人下午蘇軍亦增兵千餘人于石岡鎮其司令部即設于石岡市中第一防線在鎮東十里之青岡墩聯軍則扼守高升橋是日雙方均積極籌備總攻擊無戰事是日下午四時許蘇軍方面突來飛機一架擲下炸彈三枚無大損傷同時龍華亦飛來聯軍飛機兩架各迴旋一週而回

二十五日蘇軍方面忽改變戰略調動軍隊集中婁塘預備進攻嘉定北城下午卽在北門外小有接觸未幾卽止

二十六日晨二時許駐婁塘蘇軍進攻戩浜橋該橋係通羅店之要道聯軍僅

有兩營駐守二軍激戰至拂曉聯軍有大隊自南翔往援蘇軍仍退至婁塘

二十七日晨七時聯軍司令下攻擊命楊化昭部第一第二兩團及二十四

混成旅第四師三十四兩團第十師砲兵二部份分兩路向蘇軍反攻一

面向石岡門進攻一面由馬陸進攻蘇軍抵禦甚力陳樂山在前敵親自督

戰至十時許石岡門方面聯軍稍有進步馬陸方面亦前進八九里至離方

泰六里許地方戰至下午二時稍息四時後復激戰太倉方面援軍大至聯

軍復退至馬陸附近

二十八日上午十時許嘉定聯軍復分兩路進攻方泰楊化昭由石岡門進攻

臧致平由黃牆進攻下午一時半馬陸石岡門方面兩軍衝鋒隊劇戰甚烈

旋蘇軍到有生力軍約三團搭浮橋衝過橫立塘用大砲機關槍盒子砲轟擊至三時半聯軍衝鋒隊亦向前直衝雙方愈迫愈近各用刺刀肉搏旋聯軍退至馬陸南五里是役蘇軍死近四百餘人屍積橫立塘岸甚夥傷亦甚衆聯軍之傷兵亦有二百餘人死亦不少後聯軍之第四師砲四團用大砲四尊輪流開放始將蘇軍擊退至外岡相近蓋因蘇軍子彈接濟不易故終被聯軍擊退也

二十九日拂曉聯軍復向方泰進攻鏖戰五小時以寡不敵衆退守馬陸下午三時蘇軍反守爲攻猛撲聯軍並由南門西門兩方面取包圍勢聯軍竭力抵禦至四時許蘇軍逼近嘉定聯軍肉薄兩小時始將蘇軍逼退至黃牆之東二里許

按是日聯軍傷兵運至滬上紅十字會者約四百餘人傷勢均極重內有數兵腹部爲鎗彈穿成一穴血流如注慘不忍睹又有數兵腦部受有鎗

傷據云蘇軍之鎗彈含有炸藥一入肉體卽行炸裂故受傷者均血肉橫飛爲狀極慘另有數兵至北站卽已暈絕其屍身仍在鐵篷車中當卽原車運赴吳淞埋葬

三十日上午戰局稍鬆下午又形緊急有蘇軍數百人從黃牆衝至石岡門抄襲聯軍爲聯軍陳樂山部擊退是役城中縣立第一女子高小學校校舍及鄒姓鐵店被炸彈炸燬教員某君鑒于南西北三門炮火之烈由東門奔避其帽忽不翼而飛一似有人攫去者視之則彈洞帽頂幸而略高否則殆矣十月一日晨一時西北城方面戰爭復烈蘇軍大隊乘黑夜數面圍攻彈如雨蝗未幾聯軍稍退進駐城中憑城而戰居高臨下蘇軍在城河之外互相轟擊相持終日未決

二日蘇軍圍攻益猛雙方均用大砲機關槍盒子砲轟擊至下午某門城牆被蘇軍轟毀一角衝鋒隊奮勇登城聯軍以機關槍堵闕口猛掃登者盡倒一

炊時復由工兵將城口堵塞蘇軍略退至高陞橋

三日晨蘇軍猛撲至西門外之護國寺城中流彈紛飛已落及塔前一帶聯軍

憑城力拒至下午卒將蘇軍擊退

四日西北門城外之蘇軍退至距城約四里許駐紮按兵不動惟南門外略有

接觸

五日蘇軍由婁塘南進擬攻嘉定東門聯軍探悉後即駐兵於東門外之新木

橋徐家行並東連羅店作一字陣以資抵禦上午九時後兩軍即在徐家行

作戰無甚勝負

按嘉定自開戰後均在西南北三門之外惟東門直通瀏河人民尙可自

由出入故蘇軍突由婁塘側面猛攻擬斷聯軍瀏河嘉定間之交通也

六日晨三時蘇軍突然攻城槍彈擊斃城上守軍不少聯軍察槍聲來處似遠

而高由楊化昭令用電光注射悉蘇軍據樹臨擊聯軍令別動隊方振武抄

擊其後方左臂至七時許蘇軍卽降樹退去

七日西南北三門均有接觸未幾卽止

八日上午聯軍發大砲三開始向王家牌樓攻擊（在竹篠皇慶之間）戰甚

激烈至二時後聯軍退至皇慶

九日嘉定城外無戰事惟馬陸方面又有蘇軍襲擊激戰一時許以聯軍守備

嚴仍退去

十日晚附城西北及北方均有小戰並不劇烈城內聯軍抽赴松江方面助戰

者甚多

十一日城外各方均有小戰無甚勝負因兩軍前線子彈均告罄也

十二日晨二時許蘇軍子彈已解到卽向石岡門聯軍進攻聯軍方面由第二

軍前敵總指揮夏兆麟親自督戰指揮所部猛力反攻至五時餘將蘇軍擊

退三里許入夜蘇軍司令朱熙親督大隊猛力反攻聯軍第四師及楊化昭

部併力拒之均不敵退入城中蘇軍用大砲轟城一面選敢死隊架梯登城聯軍見勢難再守卽紛亂自東門退出大部份退往羅店有一小部分則出城自行潰散

十三日晨蘇軍入嘉定

(4) 青浦 (續前)

九月十九日上午無戰事下午四時在杜村附近兩軍稍有小戰五時後卽止按是日附郭塘口村十七圖地保徐明照之叔年逾六旬在田中收穫稻禾風吹禾開人影蠕蠕然該處某軍步哨一時誤會舉鎗射彈立卽斃命其子聞鎗聲來救亦爲擊傷腰部家中眷屬聞之均集屋外望田匍伏痛哭不復敢往援救慘哉

二十日晚七時起蘇軍向杜村重固等處猛攻聯軍竭力應戰一時槍砲之聲遠聞數十里至夜十一時稍息一時後復激戰通夜未停

二十一日晨六時雙方死亡山積力不能再戰乃不約而同時援軍皆至調赴前線繼續作戰十時許略止十一時後蘇軍復有兩路援兵開到一由朱家關一由白鶴港均用機關鎗爭赴前敵聯軍以大砲轟之不克抵拒退出重圍蘇軍乘勝迫之肉搏移時聯軍卒以衆寡不敵退至城下仍不能守乃退出青浦未幾聯軍開到陳樂山部兩團反攻頗力蘇軍復退守青浦北門下午二時兩軍激戰仍未止松江聯軍復以大隊赴援蘇軍不支再退重圍加入朱熙所部蘇軍四營重行反撲與聯軍相持于東北兩門之外鏖戰竟夜各死傷聯排長十餘人士兵百餘人

二十二日晨兩軍益戰益烈在前敵者已兩日夜不得休息作戰過度神志模糊舉槍亂放流彈四飛至有直接上官命之退不退而擊傷自己手足流血盈袖而不自知尙向前衝鋒者至下午二時聯軍子彈告罄退至城下蘇軍尾追不捨乃盡退入城中砲架固守同時聯軍援兵復由松江黃渡等處紛

紛。而。至。于。是。蘇。軍。亦。退。駐。重。固。北。章。堰。古。塘。一。帶。再。圖。大。舉。

按。是。役。歷。三。日。夜。不。息。雙。方。均。死。傷。損。失。甚。巨。陣。線。雖。略。有。進。退。而。大。局。仍。無。變。動。不。能。不。服。聯。軍。之。善。于。守。也。

二十三日兩軍有小接觸無勝負蘇軍在千墩架重砲五尊聯軍亦在界涇橋紀王廟等處增防

二十四日休戰兩軍後方之援隊復絡繹開到聯軍駐青浦者原有三千餘人自二十三起已增至七千餘人尚有重固及舊青浦一帶原有千餘人亦增至三千餘人統計青浦及重固一帶之聯軍約在萬人以上蘇軍原駐趙屯橋暨白鶴港一帶者約在五千人以上於二十四日晨由崑山方面陸續增至一萬五千餘人均分駐於趙屯橋及白鶴港一帶

二十五日無戰事

二十六日兩軍在郊店孔宅等處有小戰未分勝負

二十七日。上午。有蘇軍衝鋒隊百餘人。擬冲破聯軍郊店防線。聯軍以機關槍拒之。未幾即退去。

二十八日。蘇軍又猛攻北門外香花橋。聯軍陣地經聯軍由七匯從側面反攻。雙方互用大砲轟擊。相持一日。夜勝負未決。

二十九日。上午。聯軍力疲。勢將敗。北城內開出援軍一千餘人。將蘇軍擊退。三里許。相持于趙屯橋附近一帶。至晚十一時後。蘇軍復退五六里。聯軍追擊。蘇軍忽猛力反攻。激戰至天曉。

三十日。晨始休戰。兩軍陣線移至舊青浦與章堰之間。

十月一日。晨。聯軍司令以蘇軍進攻黃渡甚急。即下令向重固蘇軍猛攻。以分其勢。至下午。復據重固駐防重固五百餘人之蘇軍紛紛後退。舊青浦及白鶴港附近一帶。聯軍於當晚八時許。分重固七匯章堰三路進攻。舊青浦每路約一千餘人。

二日晨聯軍三路部隊已逼近舊青浦附近約二華里地方激戰甚烈未分勝負至下午聯軍前線忽聞松江方面已發生戰事即改取守勢並於重固青浦暨天馬山等處分兵佈防

三日晨一時許聯軍後方佈防已固復向蘇軍進攻稍接觸蘇軍即敗退聯軍躡之忽左右兩方伏有蘇軍紛起襲擊聯軍被圍死傷甚衆嗣得青浦聯軍來援併力合擊至拂曉蘇軍卒不支紛紛向白鶴港退却聯軍追擊至下午戰線已移至白鶴港蘇軍當退却時被聯軍痛擊死傷亦甚衆并被奪去步槍三十餘支

又是日蘇浙兩方之水軍亦戰于澱山湖聯軍方面有何嘉祿部巡船百餘艘蘇軍有沈子祥李鎮邦部巡船二百餘艘拂曉時兩方水軍在澱山湖南邊之關皇廟一帶鏖戰甚烈下午何部兵船戰敗均退守朱家角澱山湖南之長蕩東岸茜墩均被蘇軍佔領架砲駐守關皇廟以東之邵港橋殿山亦

被蘇軍佔據。聯軍固守朱角之井亭港。城隍廟（崑山界）潭港橋。放生橋。
（青浦界）一帶。蘇軍乃分兩路。一路由澱山東往一路沿茜墩。歇馬橋。趙
屯橋。楊湖。涇神童涇（均在澱山湖東岸）而南均進。窺朱家角。
四日晨。聯軍因澱山湖水軍戰敗。蘇軍進窺朱家角。大批陸軍至朱家角。禦
之鑿戰八小時。聯軍大敗。退至青浦城外。同時白鶴港蘇軍亦反攻。將聯軍
擊退。至重固一帶。

五日無戰事。

六日下午五時許。在舊青浦與張堰間。之聯軍約有二千餘人。特向白鶴港。方
面之蘇軍進擊。蘇軍亦分兵由杜村向茶庵進攻。（茶庵離青浦四里）激
戰一夜未停。

七日晨。聯軍攻擊益猛。蘇軍稍向西北退却。至日中。蘇軍得援。復猛烈反攻。下
午十時後。迫退聯軍至茶庵附近。

八日。下午五時。後蘇軍襲攻青浦之附近。北簞山一帶。激戰甚烈。北簞山距青浦約八里。聯軍死守弗退。相持終夜。

九日。聯軍聞松江及天馬山均失守。青浦形勢益吃緊。聯軍除一部分開往小崑山。佘山增防外。城外聯軍盡開入城中。憑城扼守。蘇軍亦不進逼。

十日。無戰事。

十一日。下午。蘇軍大隊進攻青浦。在倉頭（離北門四里）用大砲向城中轟擊。聯軍極力抵禦。約一小時許。聯軍因兵力不敷。子彈缺少。不得已退至北簞山。陳坊橋一帶。暫駐。而蘇軍乘機至北門城外臺基地方。並開大砲二響。城內居民大驚。均從東門紛紛逃出。蘇軍恐聯軍有埋伏。齊集北門一帶。不敢進城。五時許。北門外忽然大火自界涇橋至德餘米廠一帶。房屋計有二三。十間。完全焚去。被難人民哭聲連天。四處多有軍士駐防。不能逃避。至八時許。始漸漸熄火。其時忽然城內公堂街之祥發醬園亦失慎。焚去房屋四間。

十二日晨二時城外忽發巨砲數聲自後槍聲若斷若續至五時始止而城內德裕米行內所駐聯軍司令部早已全部退出上午九時蘇軍開始從小西門進城又有一大隊沿大盈浦南來由北門進城即在北門城上豎一紅旗十二時城內吹洋號集隊有數人昇一竹椅上坐蘇軍軍官一人從北門進城即出示安民并搜索聯軍而陳坊橋一帶之聯軍早已自由動作向莘莊南翔上海各方面紛紛開去矣

(5) 南翔

九月十九日蘇軍由黃牆馬陸襲南翔南翔在黃渡之東西北通嘉定東北達瀏河東南則均密邇于上海爲嘉定黃渡兩前線之聯軍後援軍所駐地要言之即聯軍之大本營也蘇軍作戰之初原注意于黃渡以爲佔黃渡即可進攻南翔乃屢次向黃渡攻擊不能一舉而拔之始改變戰略而側重于瀏河犧牲極巨而仍不得志于昃又謀襲取南翔而對于黃渡作前後夾攻之

舉故十九日拂曉一面以重兵猛力撲黃渡一面遣皖軍豫軍約兩營出不意衝過南翔嘉定間之馬陸鎮易便衣三三兩兩混至南翔附近之鶴頸灣時爲守衛軍用電線之浙軍瞥見並見電線已爲割斷交通已絕該守兵約有三連左右因衆寡不敵遂以百餘人在要道開鎗拒敵命十餘人飛奔至南翔市梢發電話至三十七團二營告急該營立命五六兩連軍隊馳援並又通知各處守軍聯軍副司令臧致平聞訊一面急急調回前線兵士一面卽派守站之聯軍約一連奮勇迎擊便衣蘇軍旋即退下而崑山方面之大隊遂蜂湧而至維時聯軍援兵亦接上雙方卽激戰聯軍死傷甚衆蘇軍則死一團副及二營長上午十二時左右蘇軍來者益衆聯軍將不支有一部軍士急極智生將所服軍衣脫下實草其中蓋以軍帽徧置沿途樹林之間而兵士則各攜槍械散伏于墳壘之間因之蘇軍辨認不真槍彈遂多虛耗下午二時聯軍由上海方面開到援軍二團遂猛烈反攻初則排槍戰鬪繼

卽加入機關槍隊並大砲攻擊戰線延長至楂山豐太鎮等處槍聲砲聲滬上皆隱隱可聞下午二時有蘇軍一營以作戰過久力疲且餓又復不辨路徑爲聯軍所包圍幾全覆沒蘇軍陣線因之牽動向後敗退至陸家行一帶下午五時蘇軍由崑山開到援軍數營以一部份扼守馬陸控制嘉定外復向前進攻一路向南翔北市前進一路由滬甯路東進攻聯軍正面而聯軍亦分兩面迎敵正面沿滬甯路用大砲向西猛撲側面在南翔西市北二三里之鶴槎山亦用大砲轟擊北路蘇軍下午六七時間雙方攻擊尤烈砲聲連續不斷至九時後南翔北面蘇軍由橫瀝河退至馬陸於是聯軍專由正面反攻夜半沿鐵路兩軍益擊益近砲聲亦更爲緊密但蘇軍聞北路毫無應聲不致前進至次晨三四時間聯軍連開大砲數百餘響正面之蘇軍亦向後退六七里聯軍追過馬陸鎮而止

同日有蘇軍單翼飛機兩架飛翔于南翔車站四圍空中自八點四十五分

至九點共擲下炸彈六顆均未命中亦未傷人並由空中散下傳單數百張後經聯軍放一飛機射擊砲始向西飛去

按南翔在黃渡後方與黃渡本可并爲一路惟從九月十九日被蘇軍抄襲之後幾無日不戰無戰不劇若與黃渡併爲一起闖之殊難清楚故特另分一路以紀之

二十日日間在馬陸南翔之間小有接觸先則互發來復鎗一二響已而漸發漸多機關鎗隨之終則寂然至下午五時半聯軍反守爲攻砲火甚烈至十時許無甚發展始停火連日雙方大戰均以巨砲互轟竟日不息因之軍隊死者枕藉慘不忍睹惟兩方軍隊多在田中作戰適逢大雨之後餘水未退其落田中之開花砲彈每將濕泥衝起丈許滿濺兵士之身有時目光亦爲泥所遮避鄉人見之奔避不遑幾疑爲鬼怪云

是日駐蘇中央航空隊隊長蔣達於拂曉時率飛機員謝鳴臯劉國楨米嘉

禾徐國一同駕大號銀色飛機兩架攜轟毀機一具二百磅炸彈四枚飛至上海西門浙軍飛行場探見浙軍飛行人員正在早餐場中有飛機五架而該處浙軍尙誤認此蘇飛機爲自部似不甚注意繼見蘇飛機在空中盤旋始知敵人乃連發五砲向蘇飛機射擊蘇飛機以避開甚速均未命中當即駛回崑山又由蔣達米嘉禾徐國一同駕一機攜轟毀機一具駛赴南翔翱翔空際相度地勢擬擲炸彈適爲聯軍望見連擊兩砲均未命中蔣徐等卽擲下炸彈一枚降落於眞茹暨南大學附近自來水廠旁空地未燬房屋僅炸一地穴蔣等駛回崑山後全隊人員仍駕飛機於當日下午三時返蘇是日蘇飛機共經浙軍陣線八道又同日上午七時浙滬聯軍飛機隊司令部發出飛機兩架亦飛行至南翔黃渡安亭間拋擲炸彈數枚擊傷蘇軍一人二十一日上午無戰事下午一時楊化昭臧致平相繼由龍華專車赴南翔傳令嘉定南翔兩處聯軍同取攻勢下午二時許聯軍開始進攻至五時稍息

忽方泰方面蘇軍又經黃牆頭抄襲南翔馬陸鎮浙軍悉力抵禦雙方互開大砲轟擊至次晨激戰尙未止

同日有屬蘇方之豫軍十餘人以路徑不熟誤入聯軍陣線爲聯軍所擒

按黃牆在南翔西北六里許北至嘉定南至南翔西南至方泰黃渡西北至外岡四通八達行軍頗便蘇軍連日進攻馬陸卽以該處爲根據地故

南翔聯軍亦頗注意及之

二十二日自黎明起雙方繼續開戰八九時許激戰頗烈上海租界亦聞砲聲至十時蘇軍進展至距南翔約三里許浙軍支持頗力至午刻由陳樂山部開到三千加入前線迎戰蘇軍探悉聯軍到有生力軍卽退至石門岡以千五百人攻嘉定復以一千五百人禦南翔追軍務使南翔與嘉定之聯軍不能成爲一氣嗣南翔聯軍追至馬陸並不進攻故下午無戰事

同日上午有蘇飛機一架至南翔擲下炸彈三枚未傷人又上午九時十五

分龍華方面亦駛出飛機一架至南翔黃渡前線視察即於十一時五十五分駛回龍華

二十三日晨二時許有援蘇豫軍兩營開至南翔附近馬陸鎮西北方之石岡門地方與聯軍臧致平所部接觸兩軍均用機關鎗及陸戰砲攻擊至天將拂曉陳樂山部開到一營嘉定方面開來楊化昭部兵士一連豫軍退四五里

同日上午南翔有蘇軍飛機二架由西飛來並未擲炸彈未幾向南飛去下午三時龍華方面亦有大號飛機飛至南翔一帶

二十四日間無戰事下午七時蘇軍分兩路於黑夜襲擊浙軍一路由婁塘攻羅店一路由方泰攻馬陸時浙軍已有預備即以一營禦攻羅店蘇軍一團拒攻馬陸蘇軍蘇軍知聯軍有備未幾即退去

二十五日日間無戰事下午七時聯軍總司令盧永祥及何豐林陳樂山臧致

平。盧。小。嘉。范。參。謀。航。空。處。處。長。劉。化。仁。等。各。軍。官。二。十。餘。人。由。路。局。配。掛。花。車。一。輛。頭。二。等。客。車。二。輛。廂。車。邊。車。共。二。十。餘。輛。並。裝。第。四。師。第。十。五。團。兵。士。二。營。及。衛。隊。一。連。工。程。營。一。連。在。龍。華。站。上。車。開。往。南。翔。前。線。觀。察。一。週。是。夜。盧。氏。等。均。臥。宿。車。中。九。時。後。馬。陸。方。面。復。小。有。接。觸。未。幾。即。止。

二十六日晨五時盧永祥氏及其參謀等復乘花車返龍華臨行時令黃渡方面聯軍之生力軍分至南翔馬陸嘉定黃牆頭等陣地駐守六時蘇軍由方泰鹽鐵塘兩路進攻聯軍迎戰甚力蘇軍屢進屢退者凡三次至九時半始停戰雙方陣勢無甚變化下午二時許又戰蘇軍馬隊向南翔猛撲並助以機關槍聯軍以大砲拒之兩軍傷亡均甚衆直至七時後砲聲始漸止兩軍防線仍無甚進退

是日上午十一時五十分有蘇軍飛機一架至南翔車站擲炸彈兩枚炸去泥土甚深有聯軍二人被傷

廿七日晨五時聯軍第一軍總司令何豐林副司令臧致平等親赴南翔前線督戰命聯軍右翼第十五團一千二百餘人由砲隊掩護自馬陸鎮直撲蘇軍陣線蘇軍迎戰約二小時雙方激戰頗烈至八時蘇軍向方泰方面略退二十八日下午三時蘇軍由方泰黃牆復擬抄襲南翔聯軍禦之雙方戰鬥十分猛烈直至夜十二時後始止蘇軍仍返馬陸是役雙方損失均重二十九日晨五時蘇軍復進攻南翔站外揚旗已有流彈聯軍補充旅第一團張團長受傷駐馬陸石岡門之聯軍第四師十五團及十四團生力軍聞訊猛勇援救用大砲機關槍轟擊蘇軍退至方泰在方泰鎮之豫軍約一旅亦用機關槍盒子砲還擊方泰地方樹林竹園甚夥故雙方愈戰愈烈豫軍開掘戰溝三條頭溝之衝鋒隊偽退至第三戰溝聯軍中計猛進死傷數百人豫軍善用盒子砲轟擊聯軍善用砲擊相持至下午五時雙方衝鋒隊互相肉搏馬陸黃牆之間二軍忽進忽退結果兩方防線仍無甚變動

是日下午一時許南翔站先後飛來蘇飛機兩架拋擊炸彈均未命中

三十日上午二時蘇軍吳瓚恆部會合鄂援軍二旅分馬陸方泰兩路直衝聯軍防綫作極猛烈之攻擊聯軍司令臧致平即親率軍士迎擊方泰方面蘇軍楊化昭部則由馬陸方面抵禦雙方激戰甚烈全日砲火不絕蘇軍擬將方泰攻下再攻南翔以截斷聯軍中路聯軍亦以方泰爲嘉定南翔間要道竭力扼守故激戰一日夜雙方仍無甚進展

十月一日上午兩軍仍續戰不息槍砲聲時稀時密陣線屢進屢退至不一定午後二時許砲火稍烈聯軍進展四五里奪獲戰溝一道至十一時蘇軍又逼近南翔未幾又漸遠及至次晨前線仍未有變化

二日上午一時許距南翔十里許之紀王廟地方突有蘇軍數百人穿着便服向該處猛攻聯軍即出而抵禦雙方激戰甚烈並放大砲數十響至夜間蘇軍即退去是日方泰馬陸間無戰事

是日晨八時許南翔站有蘇軍飛機一架自黃渡前線飛來窺探軍情聯軍開射擊飛機之大砲兩響旋向嘉定方面飛去又聯軍亦有飛機一架於十時許飛至南翔車站離平地極近一時站員大驚疑爲蘇軍飛機將擲炸彈後見該機懸有藍色太極圖旗幟一方始悉係聯軍飛機後卽向龍華而去三日晨兩軍復在馬陸開戰至下午二時止並不劇烈聯軍傷十餘人死一人四日無戰事惟入夜十二時後有大砲數響五日上午紀王廟一帶復稍有接觸未幾卽止六日蘇軍由方泰東進擬逼南翔在黃牆一帶與聯軍作戰數小時無甚進展七日晚蘇軍從馬陸西面用盒子砲抄襲聯軍防線聯軍卽連開大砲十數響激戰至次晨拂曉始止雙方死傷甚衆南翔墮落砲彈甚多八日南翔站有聯軍新兵五百人由滬運到開赴馬陸增防是日前線無戰事九日至十日南翔及馬陸前線兩軍皆取守勢無戰事

十一日。上午九時許。有蘇軍飛機一架。對準南翔車站。四週連擲炸彈七枚。最後一枚落在離站北不遠竹籬笆內空地上。炸力甚猛。被炸之處地陷四五尺深。週圍二三丈闊。碎片彈傷聯軍二名。行人一名。車站玻璃窗及電線木桿均遭震壞。聯軍連開射飛機砲二發。方始向西北飛去。

十二日晚。馬陸方面有小戰。九時許。臧致平至南翔。司令部對諸將校曰。松江已失守。大局正不易維持。願諸君好自爲之可也。旋即返滬。

十三日晨三時許。盧何及臧氏出走之訊傳至南翔車站。司令及第一第二軍各司令部副官等均先後赴滬。所有電話亦同時拆去。故車站方面形勢頓覺緊急。各部兵士聞司令逃避後亦無心作戰。紛紛將行裝等悉用火車運滬。然鐵路方面一時不能供給。充分車輛而黃渡方面退回之聯軍亦待車開發。共計有一萬數千人之衆。形勢甚爲混亂。下午南翔城中遂各處火起。潰兵開始搶掠。至次日黎明猶未止。哭聲與槍聲相雜。全城爲墟。

十四日晨二時許聯軍第四師一部份在南翔站待車開發忽蘇方援軍湖北第五混旅旅長張允明氏由方率隊至南翔衣灰色軍服與聯軍相同惟聯軍袖章爲藍色白太極圖或紅色黃章（楊部）而蘇軍則純紅袖章中有一黑色克字（係鄂軍）兩軍相遇甚客氣互呼辛苦第四師代理師長夏兆麟氏遂偕同鄂軍乘車抵龍華張氏卽派隊佔領護軍使署及龍華車站下午一時許南翔西面蘇軍紛紛向車站方面前進且以機關鎗盒子砲炸彈等猛力攻擊時南翔車站尙有聯軍約三千人均待車赴滬者見蘇軍攻至乃吹號表示彼此停戰蘇軍誤會仍猛力攻擊於是車站上職員乃逃走一空而聯軍在站者乃分一部份抵禦一部份向上海步行逃避時南翔站尙有機頭一隻兵士脅迫司機人開滬司機人以軌道上有無數兵士行走不允而在機頭上之兵士則定欲開車以手鎗相迫開車者無奈勉強啓輪致將軌道上之兵士碾斃無數血肉橫飛慘不忍觀

十五日上午，聯軍盡數由南翔退至真茹。下午復由真茹退至滬西麥根路及開北一帶。以蘇軍已開抵真茹，懼其長驅抵申，以武力壓迫，遣散乃于麥根路車站旁開掘戰壕，架砲拒守，以待磋商條件和平解決。而遙望南翔，熊熊之火與搶掠之聲，猶未完全止熄也。嗚呼慘矣。

(6) 松江

九月二十三日，浙滬聯軍退至龍華。後慮孫傳芳之閩軍接踵追至，于上午八時許，將滬杭路嘉興車站東揚旗外之七十八號橋炸損。下午十二時三十分，復將嘉善嘉興間之七十一號鐵橋用地雷轟毀。外人估計損失約八十餘萬。

二十四日，聯軍一部份之駐在楓涇者，聞閩軍已逼嘉興，遽退至松江西南之石湖蕩車站。

二十五日，聯軍在石湖蕩一帶佈防，據守三十四號鐵橋。

二十六日閩孫部下盧香亭旅在嘉興與湖州方面調來之蘇軍皖軍會合進佔楓涇與聯軍防地相距祇十餘里雙方均積極備戰

二十七日閩浙巡閱使孫傳芳自杭至嘉興分軍三路攻松江以蘇軍白寶山部爲中路皖軍史俊玉部爲右翼閩軍孟昭月盧香亭部爲左翼孫氏自任總指揮進迫石湖蕩

二十八日聯軍在楓涇石湖蕩間增防掘壕架砲以拒閩軍并劃三十四號鐵橋爲第一防線三十一號鐵橋爲第二防線其軍隊則以王賓所部三十七團三十八團等爲主力是日下午六時蘇閩軍襲松江之金山縣克之

按金山縣署在朱涇自石湖蕩備戰後朱滬輪船卽不通人心惶惶二十八日向午久住西市之巢湖人紛紛將家眷用舟載去遷避一空晚飯時西市梢忽來兵士九人荷槍實彈往東向縣公署而去問五六分鐘續來多批數皆十餘人其中亦有挑子彈雜物者時乃人心大恐店鋪皆欲收

市彼等一一勸止。且云我等隊伍特來保護你們的你們切不可驚惶。須要照常營業等詞。始悉此乃楓涇步行來之孫傳芳軍隊。來者共有五百名。往縣署接洽。後隨卽往東屯集於楊爺廟羅星橋置機關槍兩架。一時水陸兩路人船均不准通行。放哨直至北渡林葵夫家。軍官入內商借門面上兩間。并囑早早安睡。不必驚恐。十二時後。閩軍向自衛團借一團。丁飭送羽書往楓涇。限二十九晨七時回到朱涇。次晨團丁回帶有回信。當卽交去九點。忽然盡數回楓。由立康小輪拖一鄉下船裝去餘者。仍舊步行。兵士去後。人心漸安。然人民已走避不少。二十九日下午四點鐘大雨之後。又來閩軍先鋒隊十二三人。手執上刺刀之快槍。仍由岸步到鎮。屢詢你們這裏有浙軍否。其後始知並無浙兵。始行陸續往東。不及半小時。來者已五百人。漕坊頭連續滿載而來。碾米廠前岸上已如蟻集。又至淺水兵輪三艘。兩藍色一白色。較大每輪拖帶大拖船十隻。一時兩家碾米。

廠內均借兵居新木橋上置機關砲兩尊對大操場市公所前一路皆兵惟不阻行人而膽小者仍不敢走閩軍紀律甚好買物並不還價語氣亦和平惟多不易明白耳宿在碾米廠中兵士並不出外買物皆命廠中小工代買故街上並不見兵

二十九日下午二時半楓涇石湖蕩間第三十四號橋聯軍步哨見橋東有便衣閩兵數人以爲鄉民經過故未問嗣因便衣閩兵近前聯軍喝阻閩軍即用盒子砲開放以致雙方小衝突聯軍受傷二人後有聯軍多數軍士向前便衣閩兵始退去

三十日聯軍將三十四號三十一號兩鐵橋炸壞少許不能通車

十月一日蘇閩軍在楓涇與三十四號鐵橋間增防石湖蕩無戰事其支隊襲取距松江南十二里之余來廟據之

二日兩軍始正式開火上午八時許雙方步哨接觸後駐石湖蕩附近之閩軍

孟月昭部遂向三十四號橋進攻。聯軍起初並不還擊，直至十一點半三十八團開始迎戰，互開大砲轟擊。至十二時許，聯軍以三十四號橋無險可守，遂退守三十一號橋。孫軍渡河後亦不洎擊，遂即停戰。未幾兩軍繼續交綏，砲火益烈。聯軍於十分鐘內送開大砲二十餘響，截至午後五時止，兩軍相持於三十一號橋。梁間是役，聯軍死傷四十餘人。

是日黎明，聯軍又用極大之炸彈四枚，將三十一號大橋全行炸去。所有橋身、橋面、橋柱概行墮入河中，損失約二百萬元。

按石湖蕩爲滬杭路小站之一，介松江楓涇之間。南臨浦江上游（金山附近），西通小崑山松江在其北，相距僅十二里。自蘇閩軍隊開抵楓涇，紮營掘溝，亟亟備戰。聯軍亦分兵防禦，嚴陣以待。以松江爲集中點，以石湖蕩爲第一防線，蕩西三十一號鐵橋爲第二防線。聯軍在前線者約八千人，閩軍蘇軍人數較衆，是日之戰，雙方咸未用大砲。滬上每有火車開

至三十一號橋附近。隔河蘇軍之槍聲。機關槍聲。即大作。蘇閩軍。瞄準。頗不劣。有多數擊中火車。彈着鐵板。鏗鏘作聲。而車中兵士。亦間有死傷者。三日晨二時。閩蘇軍由余來廟及石湖蕩三十四號橋。正面猛攻三十一號橋。梁側面。松江方面。砲火異常猛烈。徹夜不絕。閩蘇軍人數在萬人以上。聯軍祇有三千左右。雖竭力抵禦。酣戰三小時。卒以衆寡懸殊。不得已退。至三十號橋。扼守。當閩軍大隊以浮橋。竹木排渡河。登陸時。誤觸聯軍埋設之地雷。致死傷百餘人之衆。由是停戰片時。未幾。聯軍生力。援軍開到。遂反守爲攻。首由敢死炸彈衝鋒前進。施以大砲掩護。戰至上午八時。閩軍不支。紛向西。南而退。復將三十一號橋奪回。聯軍方面。傷營長一人。死連長一人。排長三人。兵士死傷數十人。閩軍亦有死傷。下午一時。後浦南復激戰。蘇閩軍據烏沙（離松江九里）。

四日上午十時許。中路閩軍進攻三十一號橋。奮勇衝鋒。屢進屢退者數次。終

不能得志。至下午五時後，蘇閩軍改變戰略，移軍轉戰于浦南一隅。如松、邑西南之松隱、松隱北之米市渡等處，均有劇烈之大戰，而尤以松隱之戰爲最烈。該鎮房屋大半爲砲火轟毀。夜十時後，閩軍復藉水警鹽梟之領導，與報告偵悉滬軍之軍火糧臺儲放於余來廟附近之張宅某米廠內。該廠房屋頗巨，爲閩軍由余來廟開放六巨砲將該米廠完全擊毀。聯軍軍火悉付一炬。于是松隱、張澤、米市渡、葉榭、亭林等處之聯軍均紛紛向閔行退走，而浦南之要隘盡失。

五日，蘇閩軍復分兩路進攻。一路猛攻三十一號鐵橋，一路結筏偷渡，得勝港爲聯軍方面之水警巡船及砲隊要擊。閩軍敗退，落水溺斃者甚衆。遂隔岸以大砲機關槍互轟，相持終日。

六日，上午四時，天尙未明，有閩軍一百餘人暗中圖渡。三十一號大橋向聯軍襲擊。聯軍前哨卽奮勇抵禦，劇戰約一小時。聯軍砲隊連發四砲，向閩軍進

擊兼遮掩本軍閩軍遂向後略退至八時許閩軍又在對岸遙擊雙方劇戰約三小時均用砲隊掩護閩軍三次渡河均被聯軍擊退當雙方在三十一號大橋激戰時閩軍盧香亭部約四百餘人忽由葉樹地方抄擊聯軍由馬良部下二百五十餘人上前迎戰約一小時餘死傷過半至午刻龍華方面聞警立派第六混成旅第一團第二營步兵二百名開赴閩行鎮防守同時並開出飛機三架赴前敵視察是日各處戰事徹夜未停

七日晨一時許浦南之余來廟米市渡一帶閩軍用大砲及機關槍向松江車站方面轟擊聯軍用砲還擊非常注意不意蘇閩軍明修暗渡于上午三時許天未明時用木排及民船渡黃浦暗在得勝港深水渡鹽鐵塘華陽橋諸處偷渡轉至明星橋新橋一帶暗伏花田中人數約四營謀抄襲松滬軍之松江後路而石湖蕩第三十一號橋雙方仍取攻勢槍聲並不稍稀也至下午二時許復有閩軍約一團抄過三十一號橋及松江車站在明星橋對

港。千。人。社。上。岸。共。載。兵。船。八。隻。聯。軍。方。面。祇。有。游。擊。隊。六。連。在。明。星。橋。平。湖。
浜。駐。守。見。閩。軍。兵。船。八。艘。渡。岸。當。即。開。槍。擊。沉。閩。兵。船。一。艘。而。預。伏。在。田。間。
之。閩。蘇。軍。遂。一。閃。而。起。聯。軍。方。面。寡。不。敵。衆。而。子。彈。亦。將。用。罄。遂。退。出。明。星。
橋。至。莘。莊。其。餘。七。艘。遂。得。登。岸。於。是。分。蘇。軍。閩。軍。爲。二。蘇。軍。攻。松。江。車。站。閩。
軍。薄。城。並。兼。拒。莘。莊。方。面。之。聯。軍。而。同。時。在。金。山。方。面。之。蘇。閩。軍。復。分。大。隊。
攻。松。江。北。之。辰。山。小。崑。山。等。處。至。下。午。三。時。松。江。已。被。蘇。閩。軍。包。圍。其。在。三。
十。一。號。橋。前。線。之。聯。軍。三。十。八。團。三。十。七。團。及。衛。隊。團。均。被。隔。絕。軍。火。不。繼。
而。蘇。閩。軍。復。在。各。路。均。取。攻。勢。激。戰。至。烈。至。晚。九。時。後。聯。軍。遂。不。復。能。支。持。
八。日。晨。一。時。許。附。城。一。帶。槍。砲。聲。甚。烈。居。民。房。屋。皆。震。動。至。四。時。蘇。軍。白。寶。山。
部。據。車。站。砲。聲。始。略。息。惟。機。關。鎗。聲。則。仍。時。起。時。滅。至。五。時。半。松。城。內。大。部。
聯。軍。已。先。逃。潰。閩。軍。始。視。察。路。徑。入。城。時。駐。城。內。之。聯。軍。尙。有。二。排。見。東。南。
二。門。均。已。失。守。乃。出。北。門。退。却。向。泗。涇。而。去。當。閩。軍。入。城。之。初。先。用。便。衣。兵。

士二十餘人形似本地水警分赴西北二門巡視一週大隊閩軍方由東南二門魚貫而入至西門外大街警告各商店開業由軍官數人叫門勸導至縣署則松江聯軍司令王賓及縣知事已先遯矣上午十時石湖蕩之聯軍亦由潛道敗回莘莊沿途潰散不少而松江北面之佘山小崑山復相繼爲蘇閩軍所奪聯軍遂完全失守松江。

按聯軍松江司令王賓爲盧氏所轄第十師之旅長年已六十餘資格在盧氏之上盧氏極優禮之故以之鎮守嘉湖迨開戰後浙江政局劇變王氏部下由浙之泗安退滬即在湖州大掠王氏已不能約束閩軍逼松江盧氏無軍可調故仍以王氏守松江識者已知其不能堅持然四面被圍大勢已去聯軍之敗已盡非王氏之罪也當七日松城被困王氏亦曾憑城督戰力拒數小時至晚九時半見危像已迫乃偕同參謀員等離松乘船北行繞道至滬即坐紅十字會病車至法租界爲法水兵所阻以王

戎服且未受傷乃帶入捕房告以不能戎裝居法租界旋即赴某宅居住。于是聯軍方面之主戰者遂以貽誤戎機歸諸王氏一人之身矣。

九日聯軍總司令盧永祥以何豐林爲松江司令（即第二軍司令）第十師十九旅長鄭某爲前敵總指揮責任恢復松江于天將拂曉時反攻蘇閩軍在二十一號橋附近激戰甚烈雙方均用機關鎗大砲攻擊至六時三十分聯軍援軍五百名會同莘莊駐防軍隊一團二營加入反攻戰至下午十時許停戰仍相持于新橋明星橋之間。

十日聯軍司令何豐林赴莘莊督戰傳令前敵將士祇可向前進取不可後退。下午七時許聯軍遂向明星反攻激戰數小時聯軍陣線向南進展三四里并調大隊聯軍開赴前線助戰是晚何司令即宿于車中。

十一日日間兩軍僅有小戰無甚進退晚六時許始大戰於新橋明星橋間於十時前聯軍頗佔優勢曾將閩軍擊退三四里迨至深夜一時後閩軍得後

方之接援突從新橋之東南包抄莘莊聯軍後路聯軍何鄭兩司令率隊猛力迎戰至次晨二三時間兩軍大戰於青草浜一帶其時莘莊站已有流彈飛入且子彈將罄正在危迫之際幸龍華子彈運到立即反攻夾以大砲掩護閩軍不支紛紛向東南方面退却明星橋東南一帶地勢險惡均係樹木竹林閩軍卽據以蔽護故聯軍亦不敢追擊

十二日日間明星橋新橋間兩軍僅有小戰入晚形勢驟變五時後閩軍大隊突由東南小路(顛橋)及沿黃浦包抄新橋後路進攻聯軍拼力抵禦雙方砲火異常猛烈上海亦聞砲聲血戰四小時聯軍以寡不敵衆遂於九時後退守曹家莊(離莘莊五六里)新橋站路局員司得車務總管之許可亦全體離站蘇閩軍遂進占新橋龍華大震

十三日晨二時聯軍司令何豐林在車中司令部方督率所部擬反攻新橋忽接總司令盧永祥電話謂已通電下野召何氏返軍署何氏抵龍華後卽表

示與盧氏取一致行動下令前敵停戰忽忽偕盧氏乘上海丸東渡

十四日莘莊前線聯軍退回龍華由鄂軍總指揮張允明指派地點駐紮

十五日閩軍先鋒隊抵龍華

十六日蘇軍第一師師長白寶山率領所部由莘莊抵上海南站以留雲寺爲

行轅

十七日閩浙巡閱使孫傳芳氏蒞滬駐節于滬南陸家浜中國集成圖書公司

舊址委蘇軍第一師師長白寶山爲上海防守司令并會同蘇皖贛齊巡閱

使所派之參謀某氏開始向各路聯軍磋商改編或遣散條件并電告中央

蘇閩兩軍完全占領松滬

附浙滬聯軍總司令盧永祥下野電○全國父老公鑒此次江浙用兵齊

爲戎首干犯衆怒曹實罪魁義憤所激遂動天下之兵交綏以來永祥迭

經宣言願國人負共同改造責任良以此事成敗利鈍非個人得失所關

實人禽消長是判本最大決心期以公理戰勝所幸將士用命輿論贊助
鏖戰匝月彼不得逞現在敵方因我軍正面防線不能越雷池一步乃竭
數省援兵會攻松江一隅彼衆我寡竟迫淞滬現雖士氣奮發如故而子
彈已罄肉薄相持徒令師徒犧牲心實不安爰毅然放棄淞滬潔身下野
伏念討賊勦亂匹夫與有責任救國未敢後人功成不必自我茲於本日
解除兵柄對國民引咎自劾兵士均已付託有人必能敬守秩序以完天
職自慚棉薄未竟全功殊深內疚倘有同志友軍國中義士繼起奮鬥俾
國賊迅膺懲創大局早慶澄清則永祥退作平民與有光寵矣臨電悚惶
伏希亮察盧永祥文

附閩浙巡閱使孫傳芳報告占領龍華通電○(銜略)謹佈者頃據上海
憲兵司令馬葆珩派馮副官來稱敵被我軍攻擊節節潰退已不成軍盧
何等見大勢已去於本日通電解除職務乘船逃走上海製造局暫由該

司令維持等語。傳芳一面指定地點收容潰兵，一面飭所部停止軍事。行動傳芳擬即日率帶衛隊進駐龍華，暫維治安，以俟齊巡閱使蒞止。特此電佈孫傳芳元。

戰事之結束

江浙戰事自九月三日起，至十月十三日止，歷一月又十日。而盧何出走，戰事終止。除松江、青浦、嘉定（該三處均於十二日前爲蘇軍佔領）外，若黃渡、南翔、若瀏、河、若吳、淞，則猶有聯軍之第四師、第十師、第六混成旅及臧楊之軍隊。與臨時集合之別動隊、北伐軍、游擊隊、將校、義勇團等合計，尚不下三萬餘人。雖逼處滬隅，四週被圍，已無發展之餘地。而大都槍械齊備，子彈軍實，猶有餘儲。尙堪負隅一戰，雖不必其能擊破蘇軍，重整旗鼓，其力實足以糜爛滬北騷擾租界而有餘。故自盧何背其戰至一卒一槍之宣言，遽棄其背，寇資夜東竄，而

此。久。經。血。戰。之。大。軍。遂。羣。龍。無。首。紛。紛。退。至。閩。北。甯。市。一。帶。與。人。民。雜。處。安。福。餘。黨。利。其。有。機。可。乘。復。思。煽。惑。將。其。軍。以。圖。一。逞。於。是。外。人。慮。退。兵。之。潰。入。租。界。擾。亂。治。安。在。華。租。交。界。之。處。徧。布。鹿。角。網。以。鐵。蒺。藜。而。遣。各。國。之。海。軍。陸。戰。隊。及。萬。國。義。勇。團。疊。沙。袋。架。械。礮。以。守。之。人。民。之。往。來。者。出。有。禁。而。入。亦。須。檢。查。風。聲。益。緊。而。交。通。益。阻。是。時。華。界。散。兵。游。勇。亦。日。益。衆。相。驚。伯。有。一。夕。數。警。人。民。攜。兒。挈。女。奔。避。租。界。者。如。鼠。竄。如。潮。湧。其。不。得。入。者。則。環。侍。鹿。角。而。泣。衣。物。之。散。失。肢。體。之。被。踐。踏。不。顧。也。於。是。華。界。之。民。居。遂。十。室。而。九。空。蓋。上。海。自。通。商。以。來。實。未。有。如。此。之。混。亂。亦。自。有。交。戰。以。來。亦。未。有。如。此。之。輕。於。一。擲。也。歷。數。日。而。閩。浙。巡。閱。使。孫。傳。芳。氏。與。蘇。軍。第。一。師。白。寶。山。蒞。滬。乃。開。始。與。各。路。聯。軍。磋商。條件。至。十。月。二。十。日。方。得。適。當。之。解。決。辦。法。而。聯。軍。始。就。範。於。是。東。南。之。軒。然。大。波。始。告。一。段。落。茲。撮。盧。何。離。滬。各。路。停。戰。後。之。波。折。及。結。束。分。敘。如。次。

(一)各路聯軍之退滬

十四日。後聯軍之退回龍華高昌廟者。以第四師爲多數。第十師則一小部份而已。因先有鄂軍張允明部駐護軍使署及車站一帶。監視尙無軌外行動。其由黃渡南翔前線退回閘北者。則以第十師及臧揚之部爲大部份。與其他如別動隊將校義勇團等。合計約有二萬人。其先均久戰思歸。一聞戰事終止。莫不爭先恐後退回上海北站及吳淞等處。靜候改編。或遣散。或遇蘇軍亦各道辛苦。並不仇視。惟師長司令如盧永祥陳樂山何豐林臧致平等。走者走。避匿者避匿。毫無上級軍官約束。沿途潰散。在南翔真茹及各鄉村放火搶掠者。有之。退至滬上。卽將軍米軍裝及其他軍用品。逢人兜售。廉價拍賣者。有之。兵士意中以爲此次敗退。當各回家。不復有成軍之望也。不圖十四日下午。復有安福餘黨勾結聯軍各團長營長。抵禦蘇軍圖謀一逞。於是閘北復起恐慌者。累日。

(2) 徐樹錚之謀變化與聯軍在麥根路之佈防

安福餘黨徐樹錚氏對於盧何之出走以謂尙有精兵三萬大可一戰何必倉皇如此深致不滿且在閩省曾與臧楊舊部略有淵源因授意聯軍中級軍官之主戰者擁已出而維持以租界爲城社抗拒蘇軍徐圖東北戰事之變化一部份之聯軍果爲所動遂祕密召集會議陳樂山楊化昭等均列席結果徐氏等遂下令將三十七團三十九團等及臧楊部下由北車站復開至麥根路即在潭子灣一帶佈置作戰方略第一道防線距真茹約三里許第二道防線距閘北約三里許第三道防線即在閘北派駐聯軍三千餘人多數在麥根路車站一帶席地而坐一部分則居車箱內於附近土阜上架設大砲三尊潭子橋口則架機關砲一尊相近處又架二尊大陽橋亦架砲三尊并設司令部於滬甯路該處貨棧內再於貨棧西半華里挖戰壕一道長里許有三十九團兵士約四五百名在溝內守望平地安置陸路大砲一尊小鋼砲三尊砲口向西以

日。預備抵禦西來之蘇軍。一似戰事即在目前者。閘北一帶居民乃惶惶不可終日。

(3) 徐樹錚等之拘入捕房

滬北聯軍一部份主戰之將校既推徐樹錚氏爲首領。作背城借一之舉。復散布謠言謂援蘇鄂軍張允明旅實與徐氏合作。反抗蘇齊西報記者聞之大惑。有平龍華軍署探詢張氏宗旨者。張氏握拳擊桌曰。吾奉中央命令。援蘇與盧軍激戰。半月始克。長驅入龍華。且與小徐從未謀面。何得謂之合作。使我而得小徐者。我必立時槍斃之。於是張氏之態度乃大白。而徐氏之勢力亦祇能及於滬北之一隅矣。十五日下午三時。徐氏等在北站開軍事會議。畢偕陳樂山氏乘汽車經過北河南路。爲匯司捕房西捕頭麥根泉所獲。搜其車中得滬上軍用地圖數頁。乃將徐陳二人解至總捕房。復由總捕房解至意總領事署。訊問之。下一併釋出。將徐氏送回新閘南陽路三十四號門牌私宅。特派中西包

探多名。嚴行監視。並斷絕與外界交通。於是徐氏之企圖遂完全失敗。而麥根路聯軍之戰備仍未能一旦撤消也。

(4) 聯軍方面主張再戰者之下場

盧何下野後。主張繼續作戰最烈者。爲徐樹錚。陳樂山。楊化昭。三氏自徐陳爲租界捕房監視後。陳樂山氏知事不可爲。卽與憲兵司令馬某化名趙寶鼎。趙昭儀二名。乘日郵船近江丸。赴日本門司轉道。至奉天。楊化昭則以督戰。匝月眠食俱廢。且憤痛已極。肝目皆病。乃入租界某醫院養病。旅況清貧不堪。回首與盧何之寄居別府者。不可同日而語矣。徐氏既被監視後。蘇齊浙孫復向租界領事團引渡。甚亟。領事團恐一經引渡。徐氏或不保生命。乃會商一妥善辦法。知照總巡捕房。由代理總巡命印捕正巡官裴立脫氏率同三十二號西探麥加利伽乘坐汽車。駛往徐宅。詢徐願否出洋。徐卽首肯。裴氏卽令收拾行裝。偕徐仍坐原車。開往楊樹浦蘭路碼頭。趁小輪至吳淞口。換趁某號輪船直放。

英。國。而。去。

(5) 蘇閩軍與聯軍議決收束辦法

十七日閩浙巡閱使孫芳氏與蘇軍第一師師長白寶山氏次第至上海會同蘇皖贛巡閱使齊燮元氏之代表與聯軍磋商改編及遣散之條件聯軍以主戰者已風流雲散由代理第十師師長朱聲廣出而接洽先召集聯軍各軍官開一緊急會議謂盧何已去現成羣龍無首之局大都不願再戰最後一致議決致函蘇齊閩孫所有軍隊悉數改編不願者每兵給餉二十元軍官若干元卽交蘇齊駐滬代表轉致旋得齊氏復函大致願編者各守原防聽候點名改編不願者給餉遣散閩孫亦表示同意至十月十九日麥根路一帶之聯軍均自行撤防偕同北車站之聯軍分別開發至龍華吳淞江灣等處聽候改編收束軍隊之訓詞 國內戰爭無勝敗榮辱可言况此次作戰官兵傷亡甚多言念及此不勝痛惜想各官兵轉戰月餘備經困苦各該家屬定必懸念本使

等。久。歷。戎。行。深。知。此。情。有。願。回。家。者。每。兵。給。川。資。二。十。元。司。務。長。三。十。元。排。長。四。十。元。連。長。五。十。元。其。願。改。編。者。即。可。收。編。無。兵。之。官。則。以。原。薪。暫。行。候。差。本。使。等。對。於。各。軍。一。視。同。仁。決。無。歧。視。幸。勿。觀。望。其。各。凜。遵。孫。傳。芳。齊。燮。元。退。伍。執。照。文。爲。發。給。執。照。事。茲。有。退。伍。某。回。籍。後。應。由。各。該。地。方。官。妥。爲。保。護。嗣。後。復。來。投。効。者。凡。本。使。所。轄。各。部。隊。准。予。一。律。收。補。特。給。執。照。閩。浙。巡。閱。使。孫。傳。芳。

(6) 聯軍第十師軍隊之結束

聯軍第十師殘部由蘇齊改編有三十七三十八三十九四十各團及砲四砲十工程輜重等隊其四十團原在嘉定作戰迫得盧何出亡消息卽於當晚退守羅店旋經該團團長楊杏林會同楊化昭部第一第三兩團長率隊投順蘇軍卽經繳械遣散回籍至四十團缺乏改編後由朱師長命將第十師衛隊第二團改編所有各團中缺額於暫編第一團中挑選精壯者充補以成勁旅仍

以第十師名義屬隸中央歸蘇省管轄并仍派暫駐吳淞砲臺灣一帶

(7) 聯軍第四師軍隊之結束

聯軍第四師殘部由閩孫改編師長爲夏兆麟氏改編後分別配定以第七旅旅部駐設松江以第八旅旅部駐設嘉興其所部之步兵四團(合計十二營)分駐松江楓涇嘉善嘉興四處又以砲四團團部亦令同駐松江

(8) 聯軍第六混成旅軍隊之結束

聯軍第六混成旅殘部亦由閩孫改編自經轉戰黃渡南翔方泰馬陸一帶實數已無多改編後暫派至浦南川沙等處駐紮旅長爲劉永勝氏

(9) 聯軍臧楊部下軍隊之結束

楊部大部分殘軍在盧何出走後由嘉定方面退至羅店被蘇軍包圍第一第二兩團均爲蘇軍繳械遣散臧部及少數楊部之留在閘北方面者仍均爲蘇齊改編

(10) 聯軍別動隊之結束
聯軍別動隊由嘉定來滬一部分在羅店已被蘇軍繳械另有一部駐開北長生公所者約數百名由鄂軍第五旅張允明派人接洽改編

(11) 聯軍游擊隊之結束

聯軍游擊隊由松江開駐開北全皖會館者爲數當有數百人該隊長官多願受編由上海防守司令白寶山氏特派副官王君前往接洽更換符號改編

(12) 聯軍將校義勇團及北伐軍等之結束

將校義勇團及國民北伐軍等均係開戰後由聯軍方面招募者不論南人北人多有前敵退回後分駐開北各戲院各機關十月二十日後由蘇軍第二師師長馬玉仁收編

(13) 閩浙巡閱使署參謀處結束戰事之通告

各報館均鑒敬啓者孫巡閱使旅滬以來積極辦理善後諸事並與齊巡閱使

代表劉參謀長迭次會議現已完全結束各部隊已於本月十九日午後起分頭開拔過赴各地駐防滬埠既無游騎無歸之兵則地方治安及商業市政一切自可逐漸恢復原狀矣知關廛注特此奉聞閩浙巡閱使署參謀處啓九月十九日

(14) 蘇皖贛巡閱使齊燮元之對於戰事結束後之佈告

照得。盧。何。搆。亂。松。滬。被。兵。討。逆。與。師。事。非。得。已。兵。連。禍。結。徒。苦。我。民。今。茲。順。逆。分。明。天。人。交。應。大。愆。既。去。彌。念。孑。遺。本。使。於。欣。幸。之。餘。益。覺。怒。焉。如。擣。所。有。善。後。各。事。業。經。特。派。專。員。前。赴。松。滬。一。帶。分。別。籌。議。尅。日。施。行。本。使。日。內。亦。即。親。蒞。滬。濱。躬。修。慰。問。各。該。地。方。官。吏。紳。耆。務。當。緩。輯。流。亡。俾。我。商。民。得。以。各。安。生。業。藉。副。國。家。弔。民。伐。罪。之。至。意。爲。此。布。告。俾。衆。周。知。毋。違。此。布。

上海大東書局代售

四大秘密風流奇案

北京風流奇案

三姨太太秘史

一册

三角

天津風流奇案

胡四奶奶秘史

一册

三角

北京風流奇案

摩羅夫人秘史

一册

三角

蘇州風流奇案

金蓮小姐秘史

一册

三角

各地實事

●上海宏文圖書出版●

5.00



售代局書東大海

■ 時事小說 ■

近十年之怪現狀

全四冊 定價一元六角

■ 民國三百件希奇案

全四冊 定價一元二角

■ 伍廷芳軼事

全一冊 定價大洋三角

■ 李純軼事

全一冊 定價大洋二角

■ 奉直戰史

全二冊 定價大洋五角

▲ 上海宏文圖書館出版 ▼

中華民國十三年十月出版
中華民國十三年十月發行

江浙戰史（第四冊）

（每部定價大洋三角）

（外埠酌加郵費匯費）

編著者 上海宏文圖書館

發行者 上海宏文圖書館

印刷者 上海宏文圖書館

發行所 上海宏文圖書館

▲ 此書有著作權不准翻印 ▼



ABC
J
261.12

海學書
庫